

FEDERALNO MINISTARSTVO PROMETA I KOMUNIKACIJA

1791

Na temelju odredbi članka 102. stavak (2) Zakona o cestovnom prijevozu Federacije Bosne i Hercegovine ("Službene novine Federacije BiH", br. 28/06 i 2/10), federalni ministar prometa i komunikacija donosi

UPUTU

O IZMJENAMA I DOPUNAMA UPUTE O NAČINU REALIZIRANJA OBUSTAVLJANJA POLAZAKA, POVRATAKA, ODNOSNO VOZNIH REDOVA, UVJETIMA PROGLAŠENE NESREĆE IZAZVANE PANDEMIJOM KORONA VIRUSA (COVID-19)

I

U točki II Upute o načinu realiziranja obustavljanja polazaka, povrataka, odnosno voznih redova, uvjetima proglašene nesreće izazvane pandemijom korona virusa (COVID-19), broj 01/6-27-796-1/20 (U daljem tekstu: Uputa) iza stavka 1. dodaje se novi stavak koji glasi:

"Dostavljanje Spiska od strane prijevoznika smatra se podnošenjem zahtjeva u elektronskoj formi za privremeno obustavljanje voznog reda, polaska odnosno povratka, ili za statusnu promjenu na voznom redu i isti se podnosi na obrascu u Prilogu 1 ove Upute koji čini njen sastavni dio i isti je objavljen na službenoj web stranici ministarstva: www.fmpik.gov.ba".

II

Točka III Upute, mijenja se i glasi:

"Prijevoznik ne može privremeno obustaviti održavanje voznog reda, polaska ili povratka dok ne dobije rješenje mjerodavnog organa koji vodi Registar voznih redova za taj rang linija.

Organ koji vodi Registar dužan je da u roku 5 dana od prijema zahtjeva za privremeno obustavljanje voznog reda, polaska ili povratka dostavi prijevozniku rješenje iz stavka 1. ove točke.

Ako je vozni red, odnosno polazak i povratak na voznom redu već privremeno obustavljen ili je smanjen režim održavanja, a organ nadležan za registriranje voznog reda ocijeni da postoje opravdane potrebe za ponovnom uspostavom i obavljanjem privremeno obustavljenog voznog reda na toj relaciji ili njenom dijelu, može pisanim putem pozvati prijevoznika da održava kompletan vozni red ili one polaske i povratke koji omogućavaju minimum pružanja usluge javnog prijevoza uz točnu specifikaciju koji polazak i koji povratak na voznom redu će se održavati.

Vozni red		Minimum održavanja	
Broj polazaka	Broj povrataka	Broj polazaka	Broj povrataka
1 ili 2	1 ili 2	1	1
3, 4 ili 5	3, 4 ili 5	2	2
6, ili više	6, ili više	do 50%	do 50%

Ako organ koji vodi Registar zatraži od prijevoznika da otpočne sa prijevozom na privremeno obustavljenom voznom redu, a isti ne postupi po pozivu i ne otpočne održavati minimalni broj polazaka na svom voznom redu u roku pet dana, tada će organ koji vodi Registar pokrenuti proceduru za brisanje polazaka i povrataka sa reda vožnje tog prijevoznika i iste odobriti drugom prijevozniku sukladno propisanim procedurama."

III

Točka V Upute se mijenja i glasi:

"Za ponovni početak obavljanja prijevoza po polasku koji je privremeno obustavljen, prijevoznik je dužan obavijestiti mjerodavni organ koji polazak ili povratak počinje održavati dostavljanjem obavještenja elektronskim putem, osim u slučajevima kada je pozvan od strane mjerodavnog organa koji

vodi Registar voznih redova da nastavi sa obavljanjem prijevoza prema voznom redu koji je privremeno obustavio.

Organ koji vodi Registar će ažurirati Registar i u rubriku "Napomena" u Registru voznih redova evidentirati navedenu izmjenu."

IV

Ova Uputa stupa na snagu narednog dana od dana objave u "Službenim novinama Federacije BiH".

Broj 01/6-02-2-101-2/22

29. rujna/septembra 2022.

godine

Ministar

Denis Lasić, s. r.

(SI-1408 22-F)

USTAVNI SUD FEDERACIJE BOSNE I HERCEGOVINE

1792

Ustavni sud Federacije Bosne i Hercegovine na osnovu člana IV.C.3. Ustava Federacije Bosne i Hercegovine, u vezi sa Amandmanom CXVII na Ustav Federacije Bosne i Hercegovine, na sjednici održanoj 12.10.2022. godine, donosi

ODLUKU

O DOPUNI ODLUKE O POLOŽAJU, ORGANIZACIJI, FUNKCIONISANJU, SAMOSTALNOSTI I UPRAVNO-MATERIJALNOJ NEZAVISNOSTI USTAVNOG SUDA FEDERACIJE BOSNE I HERCEGOVINE

Član 1.

U Odluci o položaju, organizaciji, funkcionisanju, samostalnosti i upravno-materijalnoj nezavisnosti Ustavnog suda Federacije Bosne i Hercegovine ("Službene novine Federacije BiH", br. 6/18 i 31/22) u članu 11. iza alineje 10. koja glasi: "o smjeni sudije Ustavnog suda Federacije u skladu sa Ustavom i ovom Odlukom"; dodaje se alineja koja glasi:

- "o izboru člana Vijeća".

Dosadašnja alineja 11. postaje alineja 12.

Član 2.

Iza člana 11. dodaje se član 11.a koji glasi:

"Član 11.a

Izbor člana Vijeća

Ustavni sud Federacije bira člana Vijeća u skladu sa Ustavom i ovom Odlukom.

Predsjednik Ustavnog suda Federacije dužan je zakazati posebnu sjednicu o izboru člana Vijeća u roku od tri (3) dana od dana sticanja uslova za izbor člana Vijeća. Ukoliko iz opravdanih razloga to nije moguće učiniti u propisanom roku, predsjednik Suda je dužan zakazati sjednicu o izboru člana Vijeća odmah po isteku tih razloga, a najkasnije u roku od 30 dana.

Sudija Ustavnog suda Federacije ne može odbiti kandidaturu za člana Vijeća.

Ukoliko je u Ustavnom sudu Federacije imenovan samo jedan sudija koji prema Ustavom propisanoj nacionalnoj strukturi može biti član Vijeća, isti se smatra izabranim za člana Vijeća.

Ukoliko u Ustavnom sudu Federacije ima imenovanih dvoje ili više sudija koji prema Ustavom propisanoj nacionalnoj strukturi mogu biti članovi Vijeća, člana Vijeća bira Ustavni sud Federacije na sjednici Suda, javnim glasanjem, većinom od najmanje pet (5) glasova sudija, uključujući i glas kandidata za člana Vijeća.

Ukoliko se prilikom glasanja ne izabere član Vijeća, za člana Vijeća iz tog konstitutivnog naroda ili reda Ostalih smatra se da je izabran kandidat sa dužim sudijskim stažom u Ustavnom sudu Federacije. Ukoliko su kandidati za člana Vijeća sa jednakom dužinom sudijskog staža u Ustavnom sudu Federacije, smatra se izabranim kandidat starije životne dobi".